

(2) Održavanje, rekonstrukcija i proširenje postojećih i izgradnja novih objekata može se dozvoliti samo u skladu sa urbanističko-tehničkim uvjetima.

(3) Dozvoljenu koncentraciju prirodnog i vještačkog đubriva i hemijskih sredstava, u smislu stava 1. ovog člana, utvrđuje općinska služba nadležna za poljoprivredu uz saglasnost općinske službe nadležne za sanitarne poslove.

#### DIO PETI NADZOR NAD PROVOĐENJEM OVE ODLUKE

##### Član 24.

Nadzor nad sprovođenjem odredbi ove Odluke, pored Federalnih i Kantonalnih organa, vrše inspekcijski organi općine Gradačac i to:

- a) sanitarna inspekcija kvalitet vode za piće, vodovodni sistem i sanitarne uređaje;
- b) komunalna inspekcija držanje stoke, pernate životinje, deponovanje i istresanje otpadnih materija, ispuštanje otpadnih voda i fekalija van kanalizacionih mreža, izgradnja kanalizacionih mreža i pravovremenost priključenja objekata na kanalizacionu mrežu i dr.;
- c) građevinska inspekcija građenje objekata i izvođenje radova za putne komunikacije, eksploatacija pijeska, šljunka, kamena i drugih materijala;
- d) poljoprivredna inspekcija upotreba vještačkih đubriva, pesticida, herbicida, zasađivanje i uzgoj biljnih kultura i dr.

#### DIO ŠESTI KAZNE NE ODREDBE

##### Član 25.

(1) Prekršaji koji proizlaze iz nepoštovanja odredbi ove Odluke predviđeni su u Federalnom i Kantonalnom Zakonu o vodama, Odluci o komunalnom redu i sanitarnom minimumu ("Službeni glasnik općine Gradačac" broj: 7/07) i Odluci o vodosnabdijevanju na području općine Gradačac.

(2) Ukoliko dođe do nepoštovanja odredbi ove Odluke shodno će se primjenjivati kaznene odredbe zakona i odluka navedenih u stavu 1. ovog člana.

#### DIO SEDMI PRIJELAZNE I ZAVRŠNE ODREDBE

##### Član 26.

(1) Za provođenje odredbi ove Odluke odgovoran je vlasnik, odnosno korisnik vodozahvatnog objekta i sistema za vodosnabdijevanje, kao i za osiguravanje sredstava za njegovo provođenje.

(2) Vlasnik, odnosno korisnik iz stava 1. ovog člana dužan je:

1. najkasnije u roku od tri (3) mjeseca od dana stupanja na snagu ove Odluke izgraditi zaštitnu ogradu po granicama I a zaštitne zone izvorišta iz člana 12. stav 1. ove Odluke i postaviti znakove upozorenja u toj zaštitnoj zoni i zabrane pristupa neovlaštenim licima u tu zaštitnu zonu;
2. najkasnije u roku od 1 godine od dana stupanja na snagu ove Odluke znakovima i tablama obilježiti Ib, II i III zaštitnu zonu izvorišta u skladu sa članovima 13., 14., 15. i 18. ove Odluke;
3. o ovoj Odluci upoznati javnost na području pružanja usluga, odnosno na području koje obuhvataju zaštitne zone utvrđene ovom Odlukom.

##### Član 27.

#### (Obaveza dostavljanja Odluke Ministarstvu)

Općinsko vijeće, kao donosilac ove Odluke, jedan primjerak ove Odluke će dostaviti Ministarstvu poljoprivrede, šumarstva i vodoprivrede Kantona.

##### Član 28.

#### (Stupanje na snagu)

Ova Odluka stupa na snagu osmog dana od dana objavljivanja u «Službenom glasniku općine Gradačac».

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće -**

Broj:01-05-206/08

Datum:29.05.2008.g.

G r a d a c

**PREDSEDavajući  
OPĆINSKOG VIJEĆA**

mr. sci. Fadil Imširović, s.r.

8.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH" broj 34/06), člana 2. Zakona o osnovama sigurnosti saobraćaja na putevima u Bosni i Hercegovini ("Službene novine Federacija BiH" broj 56/06 i 51/07) i člana 24. st.1. tačka 2. Statuta općine Gradačac ("Službeni glasnik općine Gradačac" broj: 4/08), Općinsko vijeće općine Gradačac, na sjednici održanoj dana 29. 05. 2008. godine,  
Donosi

#### **O D L U K U**

**o bezbjednosti saobraćaja na putevima  
općine Gradačac**

## DIO PRVI OPĆE ODREDBE

## Član 1.

**(Predmet Odluke)**

Ovom Odlukom utvrđuju se:

- mjere bezbjednosti, uslovi i pravila vršenja saobraćaja i njegovog neometanog odvijanja na putevima općine Gradačac;
- nadzor nad sprovođenjem odredaba ove odluke;
- kaznene odredbe za prekršioce odredaba ove Odluke i
- druga pitanja od značaja za sigurno i neometano vršenje saobraćaja na putevima općine Gradačac.

## Član 2.

**(Značenje izraza upotrijebljenih u Odluci)**

U ovoj Odluci korišteni su izrazi koji imaju značenja kako slijedi:

- a) parkiralište je posebno uređena i obilježena površina namijenjena za zaustavljanje i parkiranje vozila;
- b) kolovoz je dio površine puta namijenjen prvenstveno za saobraćaj vozila;
- c) trotoar je posebno uređena saobraćajna površina namijenjena za kretanje pješaka, koja nije u istom nivou sa kolovozom puta ili je od kolovoza odvojena na drugi način;
- d) zaprežno vozilo je vozilo koje vuče upregnuta životinja.

## DIO DRUGI SAOBRAĆAJ

## Član 3.

**(Brzina kretanja)**

(1) Na području naseljenog mjesta Gradačac vozila se ne smiju kretati brzinom većom od 50 km/h.

(2) Općinski organ uprave nadležan za poslove saobraćaja može, kada to nalažu interesi bezbjednosti saobraćaja, u pojedinim ulicama i na putevima u naseljenim mjestima općine Gradačac ograničiti brzinu kretanja ispod 50 km/h, kao i da odredi minimalnu brzinu kretanja u okviru zakonskih propisa.

(3) U izuzetnim slučajevima, u cilju zaštite građana na određenim mjestima mogu se postavljati posebni objekti na putu namijenjeni smanjenju brzine.

(4) Objekti iz prethodnog stava postavljaju se na osnovu rješenja nadležne općinske službe, uz prethodno pribavljeno mišljenje Policijske stanice Gradačac.

## Član 4.

**(Prvenstvo prolaza)**

Prvenstvo prolaza vozila određuje se ulicama koje predstavljaju osnovu saobraćajne mreže naseljenog mjesta Gradačac i naseljenih mjesta općine Gradačac.

## Član 5.

**(Ograničenje saobraćaja)**

(1) U ulicama i dijelovima ulica u naseljenim mjestima, kao i na svim lokalnim putevima na području općine Gradačac, saobraćaj se može privremeno zaustaviti ili ograničiti radi izvođenja radova, održavanja javnog reda i mira, te kada to nalažu interesi bezbjednosti saobraćaja dok postoje razlozi zbog kojih se te mjere primjenjuju.

(2) Za privremenu promjenu režima saobraćaja nadležna je Policijska stanica Gradačac uz saglasnost nadležnog općinskog organa.

## Član 6.

**(Zabrana odvijanja saobraćaja)**

(1) Zabranjuje se saobraćaj teretnih motornih vozila, autobusa, traktora i zaprežnih vozila slijedećim ulicama:

- a) Titovom od Dobrovoljnog vatrogasnog društva Gradačaci
- b) H. K. Gradašćevića do kraja ulice kod zgrade javnog komunalnog preduzeća "Komunalac" Gradačac.

(2) Zabranjuje se saobraćaj za sva motorna vozila u ulici H.K. Gradašćevića (od Sata do kraja aleje) u periodu od 01. maja do 01. septembra u terminu od 20-24 sata.

## Član 7.

**(Izuzeci od zabrane odvijanja saobraćaja)**

(1) U ulicama u kojima je zabranjen saobraćaj u oba smjera za sve ili pojedine vrste vozila mogu se kretati:

- a) vozila hitne pomoći, vozila vatrogasne službe, vozila MUP-a i oružanih snaga BiH, kada posebnim uređajima daju svjetlosne i zvučne znakove i izvršavaju određeni službeni zadatak,
- b) vozila inspeksijskih organa u svrhu vršenja inspeksijskih pregleda;
- c) vozila za prevoz posmrtnih ostataka u svrhu prevoza posmrtnih ostataka;
- d) vozila dok prevoze invalide sa oštećenim donjim ekstremitetima koji se ne mogu samostalno kretati bez upotrebe vozila;
- e) vozila komunalnih radnih organizacija koja služe za održavanje čistoće kanalizacije, vodovoda, grijanja, električnih i TT vodova, sistema javne rasvjete, uklanjanje snijega, zelenih površina, vozila RTV, specijalna vozila gradskog saobraćaja, vozila za prevoz kabastih pošiljki i dovoz materijala, vozila za skupljanje i prevoz novca kada obavljaju radnje za koje su namijenjena;
- f) vozila Pošte kada vrše preuzimanje i dostavljanje poštanskih pošiljki;
- g) vozila za slučaj hitnih intervencija;
- h) vozila za pružanje tehničke pomoći na putevima;

i) vozila za prevoz građevinskog materijala, snabdijevanje trgovinskih i drugih organizacija u vremenu i nosivosti koje odredi nadležni organ;

j) putnička vozila čiji vlasnici stanuju ili imaju garažu ili dvorište koje služi za parkiranje vozila u ovim ulicama, uz dokaz o pravu korištenja.

(2) Vozila iz stava 1. od tačke a) do i) moraju biti propisno obilježena.

(3) Ulicama u kojima je saobraćaj zabranjen u oba smjera vozila iz stava 1. ovog člana moraju se kretati u pravcu koji odredi Policijska stanica.

#### Član 8.

Motorna vozila (hladnjače, cisterne za vodu, mlijeko i slično, tečna goriva, vozila za prevoz konfekcije, namještaja, hljeba i dr.) do osam tona ukupne dozvoljene težine mogu se, u cilju snabdijevanja građana, kretati ulicama u kojima je zabranjen saobraćaj teretnih vozila u oba smjera u vremenu od 05-7,30 sati i od 17-20, pod uslovom da ne ugrožava bezbjednost saobraćaja.

#### Član 9.

(1) Ulicama u kojima je saobraćaj motornih vozila zabranjen u oba smjera može se odobriti kretanje:

- motornih vozila koje prevoze građevinski materijal za gradilište ukupne nosivosti predviđene postavljenom saobraćajnom signalizacijom, a maksimalno do osam (8) tona,
- motornih vozila koja služe za specijalnu namjenu;
- motornih vozila čiji vlasnici stanuju ili imaju garaže, radnje, skladište ili magacine u tim ulicama.

(2) Odobrenje iz prethodnog stava, odnosno konačnu saglasnost izdaje Policijska stanica Gradačac, uz prethodno pribavljenu načelnu saglasnost nadležnog općinskog organa.

#### Član 10.

##### (Jednosmjernje ulice)

(1) Ulice u kojima će se saobraćaj odvijati u jednom smjeru su:

- a) Ulica Titova od zgrade Dobrovoljnog vatrogasnog društva Gradačac do Robne kuće «Gradačanka»;
- b) Ulica Hadžiefendijina od Robne kuće «Gradačanka» do raskrsnice sa ulicom Josipa Šibera;
- c) Ulica Hasana Kikića;
- d) Ulica 1. Maja;
- e) Ulica «Nenavište» od ulaza u Karaulu iz pravca Tuzle pa do Sviračke džamije;
- f) Ulicom Šehida, od prodavnice «Borovo» do križanja sa ulicom 1. Marta saobraćaj će se odvijati u jednom smjeru iz pravca centra;
- g) Ulicom Dobrovoljačka, raskrsnice ulice Narodnog fronta, do izlaza na ulicu Sviračka,

saobraćaj će se odvijati u jednom smjeru iz pravca ulice Narodnog fronta.

(2) Ulicom Sarajevska, od benzinske pumpe «Beko petrol» do autobuske stanice, vozit će se u jednom smjeru sa po dvije kolovozne trake odvojene fizičkom preprekom.

(3) U zavisnosti od uslova i potreba (godišnja doba, manifestacije i sl.) može se i u drugim ulicama izmijeniti režim saobraćaja uz postavljanje odgovarajućih znakova, o čemu odlučuje nadležni općinski organ.

## DIO TREĆI ZAUSTAVLJANJE I PARKIRANJE

### POGLAVLJE I. PARKIRALIŠTA

#### Član 11.

##### (Ograničavanje zaustavljanja i parkiranja)

(1) Zaustavljanje i parkiranje vozila u pojedinim ulicama i na pojedinim mjestima može se djelimično ili potpuno ograničiti ili zabraniti ako to zahtijevaju razlozi bezbjednosti saobraćaja i njegovog neometanog vršenja, kao i javnog reda i mira.

(2) Zaustavljanje i parkiranje može se zabraniti i ograničiti kada to iziskuju razlozi zaštite saobraćajnih površina i čistoće grada.

#### Član 12.

##### (Javna i službena parkirališta)

Zaustavljanje i parkiranje vozila vrši se na zato posebno uređenim i obilježenim površinama (parkiralištima) i to:

##### a) Javna parkirališta:

1. Iza zgrade Pošte;
2. prostor između Robne kuće «Gradačanka» i zgrade Medrese, obilježeni prostor preko puta Općinskog suda Gradačac;
3. prostor između zgrade Medrese i parka;
4. prostor od fiskulturne sale OŠ «I. G. Kovačić» do Gradačackog sajma (izuzev pijaćnih dana, sajma i dr.);
5. Od službenog parkirališta Policijske stanice do raskrsnice ul. H. K. Gradašćevića i ul. H. Kikića;

b) Službena parkirališta:

1. od ulaza u Policijsku stanicu 6 mjesta za parkiranje za potrebe Policijske stanice;
2. dio kraka ulice Hasana Kikića prostor između garaža (za službena parkirališta pozadi zgrade Policijske stanice za potrebe Policijske stanice i Štaba Civilne zaštite).

(2) U ulicama sa jednosmjernim saobraćajem gdje imaju dvije saobraćajne trake dozvoljava se zaustavljanje i parkiranje putničkih vozila desnom saobraćajnom trakom, osim ulice Šehida od prodavnice Borovo do križanja sa ulicom 1. Marta, gdje zaustavljanje i parkiranje nije dozvoljeno niti u jednoj saobraćajnoj traci.

3) Izuzetno od odredbe prethodnog stava ovog člana u dijelu ulice Titova od zgrade Dobrovoljnog vatrogasnog društva Gradačac do zgrade robne kuće «Gradačanka» i ulicom Hasana Kikića zaustavljanje i parkiranje putničkih vozila je dozvoljeno lijevom stranom.

#### Član 13.

##### (Upravljanje parkiralištima)

(1) Upravljanje parkiralištima vrši ovlašteno pravno lice.

(2) Ovlaštenje za upravljanje i korištenje parkirališta izdaje Općinski načelnik.

### POGLAVLJE II. REZERVIRANA PARKIRALIŠTA

#### Član 14.

##### (Rezerviranje parkirališta)

(1) Parkiralište se može stalno rezervirati samo na posebno izgrađenoj površini van kolovoza ulice.

(2) Parkiralište na kolovozu može se stalno rezervirati samo za potrebe hitne pomoći i kada to nalažu interesi javne bezbjednosti.

(3) Odobrenje za rezerviranje parkirališta izdaje Policijska stanica uz saglasnost nadležnog organa Općine.

#### Član 15.

##### (Obilježavanje rezerviranog parkirališta)

(1) Rezervirano parkiralište mora da bude obilježeno odgovarajućim znakom i brojem rezervacija.

(2) Organ nadležan za izdavanje rezervacije parkirališta može prema potrebi narediti da se rezervirano parkiralište na odgovarajući način uredi i osigura.

(3) Obilježavanje, uređenje i osiguranje, kao i redovno održavanje rezerviranog parkirališta pada na teret korisnika.

#### Član 16.

##### (Karton za parkiranje na rezerviranom parkiralištu)

(1) Vozila parkirana na rezerviranom parkiralištu moraju biti obilježena kartonom za parkiranje koji ima broj rezervacije isti kao i na saobraćajnom znaku kojim je rezervirano parkiralište obilježeno.

(2) Kada je vozilo parkirano na rezerviranom prostoru karton za parkiranje iz prethodnog stava mora biti postavljen sa unutrašnje strane vozila, ispred vjetrobrana, licem okrenut prema vani.

(3) Zabranjeno je parkiranje drugih vozila na rezerviranom prostoru za parkiranje.

### POGLAVLJE III. ZAUSTAVLJANJE I PARKIRANJE VOZILA KOJA VRŠE UTOVAR I ISTOVAR ROBE

#### Član 17.

##### (Vremensko ograničenje)

(1) Zaustavljanje i parkiranje vozila koja vrše utovar i istovar robe nosivosti predviđene u čl. 8. ove Odluke, dozvoljeno je od 20 sati do 06 sati narednog dana i na mjestima gdje je zaustavljanje i parkiranje vozila saobraćajnim znakom zabranjeno.

(2) Na mjestima iz prethodnog stava, vozila koja vrše utovar ili istovar robe, mogu se zadržati najduže 60 minuta.

(3) Zabranjuje se iscrtavanje horizontalne signalizacije ispred poslovnih prostora radi nedozvoljenog korištenja javne površine.

#### Član 18.

##### (Pokretni znak "utovar-istovar" za privremeno rezerviranje parkirališta)

(1) Prostor za parkiranje vozila može se privremeno rezervirati postavljanjem posebnog saobraćajnog znaka «II-34» sa dopunskom tablom «utovar-istovar» na kojoj se označava i vrijeme trajanja rezervacije u skladu sa članom 17. stav 1. i 2. ove Odluke, uz obavezno prijavljivanje utovara i istovara dežurnoj službi policijske stanice Gradačac.

(2) Prostor iz prethodnog stava može se privremeno rezervirati najduže u trajanju od 60 minuta.

(3) Pokretni znak za privremeno rezerviranje prostora postavlja korisnik prostora uz ivicu kolovoza ili na ivicu trotoara.

(4) Zabranjeno je umjesto pokretnog znaka iz prethodnog stava stavljanje predmeta, kutija, cigli, stolica i drugih predmet koji narušavaju izgled javne površine.

### DIO ČETVRTI TAXI I AUTOBUSKA STAJALIŠTA

#### Član 19.

(1) Određuju se taxi stajališta na području općine Gradačac i to:

- Autobuska stanica Gradačac u sklopu kruga autobuske stanice, 6 mjesta;
- na dijelu javnog parkirališta preko puta Općinskog suda na prostoru sa lijeve strane od zgrade Medrese prema džamiji «Husejniji» 3 mjesta;
- prostor na raskrsnici ulica «Branilaca grada» i «1.marta» (na dijelu javne površine), 4 mjesta;
- Dom zdravlja na parking prostoru na ulazu, preko puta apoteke, 1 mjesto;
- Ormanica prostor koji zauzima dio javne površine k.č.br. 1076/1 od kraja zgrade bivšeg «Jedinstva» Gradačac, gledano sa desne strane iz putnog pravca Orašje Tuzla, 4 mjesta.

(2) Taxisti su dužni koristiti taxi stajališta po rješenju o korištenju taxi stajališta izdatog od nadležne općinske službe.



## Član 20.

(1) Na javnim putevima autobusi se smiju zaustavljati radi ulaska i izlaska putnika samo na mjestima koja su za to registrovana po redu vožnje (autobuska stajališta).

(2) Osobe koje obavljaju vanlinijski prevoz kombijima ili autobusima smiju se zaustavljati samo na za to predviđenim mjestima, a da pri tome ne ugrožavaju bezbjednost odvijanja saobraćaja.

**DIO PETI ZABRANA ODLAGANJA  
PREDMETA NA SAOBRAĆAJNIM  
POVRŠINAMA**

## Član 21.

(1) Zabranjeno je na svim saobraćajnim površinama i drugim javnim površinama koje nisu namjenski određene, ostavljanje ispravnih, neispravnih ili havarisanih vozila, običnih ili kamp prikolica, smeća, kabastih i drugih predmeta, koji ometaju normalno odvijanje saobraćaja.

(2) U slučaju postupanja protivno odredbi prethodnog stava Policijska stanica Gradačac će narediti vlasniku vozila da ukloni ostavljeno vozilo ili predmet.

(3) Ako je vlasnik ostavljenog vozila ili predmeta navedenog u stavu 1. ovog člana nepoznat ili odbija postupiti po naređenju službenog lica, uklanjanje će izvršiti ovlašteno pravno lice koje upravlja parkinzima na trošak vlasnika ili korisnika vozila.

(4) Ovlašteno pravno lice iz prethodnog stava sačinjava zapisnik o stanju primljenog vozila i predmeta ostavljenog na čuvanje i sačinjava o tome odgovarajuću potvrdu.

**DIO ŠESTI ZABRANA PARKIRANJA**

## Član 22.

(1) Zabranjeno je parkiranje vozila ispred ulaza i izlaza koji služe za saobraćaj motornih vozila.

(2) Zabranjeno je parkiranje vozila ispred garaža i stambeno-poslovnih prostora za motorna vozila ako se nalaze neposredno pored kolovoza odnosno trotoara i ukoliko parkirano vozilo ometa ulaz odnosno izlaz iz garaže i stambeno-poslovnih prostora.

(3) Vlasnik odnosno nosilac prava korištenja garaže i stambeno-poslovnih prostora može uz konačnu saglasnost Policijske stanice Gradačac, a po prethodno pribavljenoj saglasnosti nadležnog općinskog organa, na vratima postaviti saobraćajni znak «II-34».

## Član 23.

(1) Vlasnici teretnih motornih vozila, a posebno kamiona sa prikolicom i poluprikolicom, cisterni, autobusa dužni su obezbijediti prostor

za parkiranje vozila kako ne bi ometali ostale učesnike u saobraćaju i na taj način uticali na smanjenje bezbjednosti saobraćaja.

## Član 24.

**(Prevoz opasne materije)**

(1) Vozila koja prevoze opasnu materiju ne smiju se zadržavati na području grada Gradačca i u naseljenim mjestima Općine.

(2) Policijska stanica Gradačac odredit će mjesta prema potrebi na kojima se mogu zadržavati vozila koja vrše prevoz opasnih materija.

**DIO SEDMI POSTAVLJANJE NATPISA I  
ZNAKOVA**

## Član 25.

(1) Na raskrsnicama ili uglovima ulica i trotoarima nije dozvoljeno postavljanje objekata ili natpisa u trouglu vidljivosti koji bi zbog svoje veličine umanjivali preglednost saobraćaja.

(2) Unutar trougla vidljivosti mogu se postavljati objekti i natpisi čija visina ne prelazi 60 cm.

## Član 26.

**(Označavanje izlaza i ulaza u garaže,  
dvorišta i radilišta)**

(1) Izlazi odnosno ulazi u garaže, dvorišta i radilišta ako se nalaze neposredno uz trotoar, pješačku stazu ili u neprednoj blizini kolovoza, a kojima se služi više od 5 motornih vozila, moraju biti vidno označeni.

(2) Izlazi, ulazi iz prethodnog stava označavaju se tablom pravouglog oblika, veličine 40x20 cm (odnosno boja plava, slova bijela, na kojoj je s obje strane ispisan tekst latinicom «Pazi auto»). Visina slova treba da bude 8 cm.

(3) Ako su izlazi, ulazi iz stava 1. ovog člana nepodesni ili nepregledni Policijska stanica Gradačac može narediti rješenjem da korisnik takav izlaz-ulaz obezbijedi sigurnosnim ogledalom ili na drugi efikasan način.

## Član 27.

**(Zabrana nanošenja blata na trotoar i  
kolovoz)**

(1) Zabranjeno je nanošenje blata i drugih prljavih materijala na trotoar i kolovoz ulice.

(2) Na mjestima gdje se otvaraju ili nalaze radilišta izvođač radova je dužan da osposobi put do ulica tako da vozila sa radilišta ne nanose blato i druge prljave materije na trotoar i kolovoz ulice.

**DIO OSMI - OSPOSOBLJAVANJE KANDIDATA  
ZAVOZAČAMOTORNIH VOZILA**

## Član 28.

(1) Zabranjuje se osposobljavanje kandidata za vozača motornih vozila na području grada, izuzev kandidata za vozača motornih vozila koji su ovladali osnovnim znanjem iz tehničkog upravljanja motornim vozilom na posebno izgrađenom i opremljenom poligonu.

(2) Početna četiri časa obuke kandidata za vozača motornih vozila vrše se na poligonu ili na putu sa manjom frekvencijom saobraćaja kojeg odredi nadležni organ općine, a u svemu prema Pravilniku o osposobljavanju za vozača motornih vozila ("Službeni glasnik BiH" broj 15/07 i 41/07).

## Član 29.

(1) Kada je potrebno radi nesmetanog odvijanja saobraćaja, njegove bezbjednosti ili javnog reda i mira, osposobljavanje kandidata za vozača motornih vozila može se zabraniti u gradu u pojedinim ulicama ili u određenom vremenu u toku dana.

(2) Mjere iz stava 1. ovog člana određuje Policijska stanica Gradačac u saglasnosti sa nadležnim organom Općine.

## Član 30.

(1) Zabranjuje se osposobljavanje kandidata za vozače svih kategorija u radno vrijeme, u vremenu od 06 do 08 i od 15 do 17 sati ulicama Titovom, H. K. Gradašćević, Sviračkom, Sarajevskom, kao i u vrijeme održavanja sajamske manifestacije, književnih večeri, sportskih manifestacija i pazarnim danom.

(2) Zabranjuje se osposobljavanje kandidata za vozače motornog vozila kategorije C u ulici Hazna.

## DIO DEVETI SAOBRAĆAJ ZAPREŽNIH VOZILA

## Član 31.

**(Zabrana saobraćaja zaprežnih vozila)**

(1) Na području grada Gradačca zabranjuje se saobraćaj zaprežnih vozila, tjeranje stoke u krdu i pojedinačno.

(2) Nadležni organ općine uz saglasnost Policijske stanice Gradačac na svim prilaznim putevima određuje najužu zonu pristupa ovih vozila, kao i prostor za njihovo parkiranje i zaustavljanje, kao i tjeranje stoke.

## Član 32.

**(Registracija zaprežnog vozila)**

(1) Zaprežno vozilo u javnom saobraćaju mora biti registrovano.

(2) Registrovati se može zaprežno vozilo koje ispunjava sljedeće uslove:

- da ima odgovarajuću svjetlosnu oznaku, sigurnosni trougao;
- da ima ispravan uređaj za kočenje i

zaustavljanje;

da ima gumene naplatke;

da ima ispravnu opremu na zapregnutim životinjama.

## Član 33.

(1) Registraciju zaprežnih vozila na području općine Gradačac vršit će nadležni općinski organ.

(2) Registracija zaprežnih vozila vrši se po zahtjevu vlasnika vozila, odnosno nosioca prava korištenja.

(3) Registracija zaprežnih vozila vrši se upisom vozila u registar zaprežnih vozila.

(4) Registar vozila sadrži sljedeće rubrike: redni broj, registarska oznaka vozila, porodično i rođeno ime vlasnika, odnosno naziv nosioca prava korištenja, te primjedbu u koju se upisuju nastale promjene na vozilu.

## Član 34.

**(Potvrda o registraciji zaprežnog vozila)**

(1) O izvršenoj registraciji zaprežnog vozila izdaje se potvrda o registraciji i registarska oznaka.

(2) Potvrda sadrži sljedeće podatke: ime i prezime vlasnika odnosno nosioca prava korištenja, prebivalište i adresu stanovanja, podatke o izdatim registarskim tablicama, mjesto i datum izdavanja.

## Član 35.

**(Troškovi registracije zaprežnog vozila)**

Troškove registracije zaprežnog vozila snosi podnosilac zahtjeva za registraciju zaprežnog vozila.

## DIO DESETI KAZNENE ODREDBE

## Član 36.

Novčanom kaznom od 500,00 do 2.000,00 KM kaznit će se za prekršaj preduzeće ili drugo pravno lice:

- a) ako specijalno vozilo nije obilježeno na način određen u čl. 7. st. 2.;
- b) ako bez odobrenja nadležnog organa rezerviše prostor na kolovozu za parkiranje svojih vozila ili omogućiti parkiranje drugih vozila na tom prostoru (čl. 14.);
- c) ako na način koji je odredio nadležni organ ne uredi ili osigura rezervisani prostor za parkiranje (čl. 15.);
- d) ako naredi ili dozvoli da se vozilo koje vrši utovar ili istovar zadržava na mjestu gdje je zaustavljanje ili parkiranje zabranjeno duže nego što je određeno (čl. 17. st. 1.);
- e) ako prostor za zadržavanje vozila koje vrši utovar ili istovar rezerviše duže od 60 minuta (čl. 17. st. 2.);
- f) ako iscrtava horizontalnu signalizaciju ispred poslovnog prostora radi nedozvoljenog korištenja javne površine (čl. 17. st. 3.);

- g) ako postupa suprotno odredbi člana 18. st. 1 ove Odluke;
- h) ako vlasnik teretnog motornog vozila parkira motorno vozilo na prostorima koji nisu predviđeni za parkiranje teretnog motornog vozila (kamion sa prikolicom, pluprikolicom, cisternom i autobus) (čl. 23);
- i) ako na rakersnici ili uglu ulice u trouglu vidljivosti postavi objekat ili nasadu, koja zbog svoje veličine umanjuje preglednost saobraćaja (čl. 25. st. 1.);
- j) ako postupi protivno odredbama člana 27. ove Odluke.

#### Član 37.

Novčanom kaznom od 40,00 do 200,00 KM kazniće se za prekršaj:

- a) lice koje bez odobrenja nadležnog organa rezerviše prostor za parkiranje vozila na kolovozu (čl. 14);
- b) ako na način koji je odredio nadležni organ ne uredi ili osigura rezervisani prostor za parkiranje (čl. 15);
- c) lice koje na kolovozu, trotoaru i drugoj javnoj površini ostavi neispravno motorno vozilo kao i vozilo koje nije registrovano ili tehnički pregledano (čl. 21. st. 1.);
- d) lice koje na vratima garaže postavi saobraćajni znak «II-34» bez saglasnosti nadležnog organa (čl. 22. st. 3.);
- e) vlasnik odnosno nosilac prava korištenja koji na vidan način ne označi izlaz odnosno ulaz kojim se služi više od 5 vozila (čl. 26.);
- f) vozač zaprežnog vozila ako vrši saobraćaj sa neispravnim vozilom ili vozilom koje nema propisane naplatke ili ako nije ispravna oprema za zapregnute životinje (čl. 32.).

#### Član 38.

Novčanom kaznom od 40,00 KM kaznit će se izdavanjem prekršajnog naloga za prekršaj:

- vozač vozila koji postupa suprotno odredbi člana 6. ove Odluke;
- vozač vozila iz člana 7. stav 1. ove Odluke, koji zloupotrijebi olakšicu datu u ovom članu;
- vozač vozila koji se kreće u smjeru suprotnom od smjera određenog u skladu sa čl. 7. st. 3. ove Odluke;
- vozač vozila iz člana 8. ove Odluke koji se kreće ulicom gdje je saobraćaj zabranjen u vrijeme koje nije određeno;
- vozač vozila kada je parkirao vozilo na rezervisanom prostoru za parkiranje, ako nema karton za parkiranje, odnosno karton na kome je isti broj rezervacije kao i na saobraćajnom znaku kojim je obilježen rezervisani prostor (čl. 16.);
- vozač vozila koji utovr i istovar vrši suprotno odredbi čl. 17. st. 1. i 2.;
- ako postupa suprotno odredbi čl. 18. st. 1. ove

Odluke;

- vozač koji vozilo parkira na privremenom rezervisanom prostoru za vozila koja vrše utovar ili istovar predviđen u čl. 18. st. 1. i 2.;
- lice koje zauzima trotoar bilo kojim stvarima (čl. 18. st. 4.);
- vozači kombija i autobusa koji postupaju suprotno odredbi člana 20;
- osoba koja postupa suprotno odredbi čl. 21. st. 1.;
- lice koje vrši parkiranje suprotno čl. 22. st. 1. i 2.
- vozač vozila koji prilikom utovara ili istovara sa vozilom zauzme trotoar tako da onemogući slobodan prolaz pješacima;
- instruktor koji na području grada vrši obučavanje u praktičnom upravljanju vozilom sa kandidatom koji nije ovladao osnovnim znanjem iz tehnike upravljanja motornim vozilom (čl. 28.);
- instruktor koji vrši obučavanje u praktičnom upravljanju u vremenu kao i u ulicama u kojima je obučavanje zabranjeno (čl. 30.).

#### Član 39.

Novčanom kaznom od 30,00 KM kazniće se na licu mjesta za prekršaj:

- a) vozač zaprežnog vozila koji se kreće vozilom na području gdje je saobraćaj takvih vozila zabranjen;
- b) lice koje se sa jahaćom ili tovarnom životinjom kreće na području grada gdje je to zabranjeno;
- c) tjeratelj stoke koji vrši gonjenje stoke na području grada gdje je to zabranjeno;
- d) taxista koji koristi taxi stajalište suprotno rješenju izdato od nadležne službe (član 19. stav 2.)

#### Član 40.

Prekršajne naloge za prekršaje iz člana 38. i 39. ove Odluke izdaju pripadnici Policijske stanice koji vrše kontrolu i regulaciju saobraćaja na putevima.

### DIO JEDANAESTI. PRELAZNE I ZVARŠNE ODREDBE

#### Član 41.

#### (Nadležnost za izvršenje odredbi ove Odluke)

O izvršenju ove Odluke staraće se Policijska stanica Gradačac kao i nadležni organ općine Gradačac uz prethodno usklađivanje saobraćajne signalizacije sa odredbama ove Odluke.

#### Član 42.

#### (Ostvarena sredstva)

Sredstva ostvarena po osnovu primjene ove Odluke prihvati su općine Gradačac, ukoliko pojedinim odredbama ove Odluke nije drugačije određeno.

## Član 43.

**(Prestanak važenja)**

Danom stupanja na snagu ove Odluke prestaje da važi Odluka o obezbjedjenu saobraćaja na putevima opštine Gradačac («Službeni glasnik opštine Gradačac», broj 1/06).

## Član 44.

**(Stupanje na snagu)**

Ova Odluka stupa na snagu osmog dana od dana objavljivanja u «Službenom glasniku opštine Gradačac».

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće -**

Broj:01-05-207/08      **PREDSJEDAVAJUĆI**  
Datum:29.05.2008.g.      **OPĆINSKOG VIJEĆA**  
G r a d a č a c      mr. sci. Fadil Imširović, s.r.

## 9.

Na osnovu člana 12. Zakona o ministarskim, vladinim i drugim imenovanjima Federacije BiH ("Službene novine FBiH", broj 34/03), člana 38. stav 3. Zakona o pravobraniteljstvu ("Službene novine TK", broj 4/04), člana 24. tačka 18. Statuta opštine Gradačac ("Službeni glasnik opštine Gradačac", broj 4/08) i člana 6. stav 2. Odluke o osnivanju Općinskog pravobranilaštva Gradačac ("Službeni glasnik opštine Gradačac", broj 8/04), Izvještaja o provedenom postupku Komisije za izbor za provođenje javnog konkursa za imenovanje zamjenika općinskog pravobranioca opštine Gradačac, te prijedloga Komisije za izbore i imenovanje, Općinsko vijeće opštine Gradačac, na sjednici održanoj 29. 05. 2008. godine, d o n o s i

**R J E Š E N J E****O IMENOVANJU ZAMJENIKA OPĆINSKOG PRAVOBRANIOCA OPĆINE GRADAČAC****I**

**BEGOVIĆ BESIMA**, dipl. pravnik, s položenim pravosudnim ispitom, iz Mionice 1, opština Gradačac, **imenuje se** za zamjenika općinskog pravobranioca opštine Gradačac, bez ograničenja trajanja mandata.

**II**

Imenovana iz tačke I ovog Rješenja stupa

na dužnost dana 01. 07. 2008. godine.

**III**

Ovo Rješenje stupa na snagu danom donošenja, a objavit će se u "Službenim novinama Federacije BiH" i "Službenom glasniku opštine Gradačac".

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće**

Broj:01-05-201/08      **PREDSJEDAVAJUĆI**  
Datum:29.05.2008.g.      **OPĆINSKOG VIJEĆA**  
G r a d a č a c      mr. sci. Fadil Imširović, s.r.

## 10.

Na osnovu člana 24. Statuta opštine Gradačac ("Službeni glasnik opštine Gradačac", br. 4/08) Općinsko vijeće opštine Gradačac, na sjednici od 29. 05. 2008. godine, d o n o s i

**ZAKLJUČAK****o prihvatanju Nacrta Poslovnika o radu Općinskog vijeća****I**

Prihvata se Nacrt Poslovnika o radu Općinskog vijeća.

**II**

Ovaj Zaključak stupa na snagu danom donošenja i objavit će se u "Službenom glasniku opštine Gradačac".

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće-**

Broj: 01-05-240/08      **PREDSJEDAVAJUĆI**  
Datum:29.05.2008.g.      **OPĆINSKOG VIJEĆA**  
G r a d a č a c      mr. sci. Fadil Imširović, s.r.



**Član 12.**

Član 18. mijenja se i glasi:

"Član 18.

Rješenje iz prethodnog člana služba donosi uz prethodno pribavljeno mišljenje nadležne policijske uprave.

Mišljenje nadležne policijske uprave sadržava izvještaje pravosnažnosti o krivičnoj i prekršajnoj kažnjavanosti vlasnika ugostiteljskog objekta, kao i pravosnažnost kažnjavanja za prekršaje i krivična djela u ugostiteljskom objektu za koji se traži rad iznad maksimalno utvrđenog radnog vremena, u posljednja tri mjeseca od dana posnošenja zahtjeva."

**Član 13.**

Iza člana 18. dodaje se član 18a. koji

glasi:

"Član 18a.

Konsultativni komitet za izradu analize stanja javnog reda i mira na području općine Gradačac tromjesečno razmatra stanje javnog reda i mira u ugostiteljskim objektima na teritoriji općine Gradačac".

**Član 14.**

Iza člana 19. dodaje se novi član 19a. koji glasi:

"Član 19a.

Objekti u kojima se obavljaju djelatnosti koje se odnose na igre na sreću u skladu sa Zakonom o igrama na sreću F BiH, kao i djelatnosti koje se odnose na pružanje internet usluga, a u kojima se ne služe alkoholna pića i ne pušta muzika, mogu svoje radno vrijeme organizovati najkasnije do 01 sat, ukoliko ispunjavaju uvjete predviđene zakonima koji reguliraju ove oblasti."

**Član 15.**

Ova Odluka stupa na snagu danom donošenja, a objavit će se u "Službenom glasniku općine Gradačac".

**BOSNA I HERCEGOVINA  
FEDERCIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće -**

Broj:01-05-83/09  
Datum:05.03.2009.g.  
G r a d a č a c

**PREDSJEDAVAJUĆI  
OPĆINSKOG VIJEĆA  
Adem Hanić, dipl.el.ing.,s.r**

**7.**

Na osnovu člana 24. stav 1. tačka 2. Statuta općine Gradačac („Službeni glasnik općine Gradačac" br. 4/08) Općinsko vijeće općine Gradačac, na sjednici održanoj dana 05. 03. 2009. godine, donosi:

**ODLUKU**

**o izmjeni i dopuni Odluke o bezbjednosti saobraćaja na putevima općine Gradačac**

**Član 1.**

U Odluci o bezbjednosti saobraćaja na putevima općine Gradačac ("Službeni glasnik općine Gradačac" broj: 7/08) u članu 8. broj "7,30" zamjenjuje se brojem "12" i dodaju riječi "osim pazarnim danom petkom i za vrijeme Sajma šljive".

**Član 2.**

Ova Odluka stupa na snagu danom donošenja, a objavit će se u "Službenom glasniku općine Gradačac".

**BOSNA I HERCEGOVINA  
FEDERCIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće -**

Broj:01-05-84/09  
Datum:05.03.2009.g.  
G r a d a č a c

**PREDSJEDAVAJUĆI  
OPĆINSKOG VIJEĆA  
Adem Hanić, dipl.el.ing., s.r.**

**8.**

Na osnovu člana 24. stav 1. tačka 2. Statuta općine Gradačac („Službeni glasnik općine Gradačac" br. 4/08) Općinsko vijeće općine Gradačac, na sjednici održanoj dana 05. 03. 2009. godine, donosi:

**ODLUKU**

**o dopuni Odluke o komunalnom redu i sanitarnom minimumu**

**Član 1.**

U Odluci o komunalnom redu i sanitarnom minimumu („Službeni glasnik općine Gradačac" br. 7/07 i 6/08; dalje: Odluka) u članu 41. dodaje se novi stav (3) koji glasi:

11.

Na osnovu člana 24. stav 1. tačka 2. Statuta općine Gradačac („Sl. glasnik općine Gradačac“, broj 4/08) Općinsko vijeće općine Gradačac, na sjednici održanoj dana 01. 06. 2010. godine, donosi

## ODLUKU

## O dopuni Odluke o bezbjednosti saobraćaja na putevima općine Gradačac

## Član 1.

U Odluci o bezbjednosti saobraćaja na putevima općine Gradačac („Službeni glasnik općine Gradačac“, broj: 7/08 i 2/09) iza člana 6. dodaje se novi član 6a, koji glasi:

„6a

U zavisnosti od potreba za regulacijom saobraćaja zbog planiranih radova i rekonstrukcije gradskih ulica, u ulicama iz člana 6. ove Odluke može se izmijeniti režim saobraćaja za vrijeme dok traje izvođenje radova, uz postavljanje odgovarajuće vertikalne saobraćajne signalizacije, o čemu odlučuje općinski organ nadležan za poslove saobraćaja“.

## Član 2.

Ova Odluka stupa na snagu danom donošenja i objavit će se u „Službenom glasniku Općine Gradačac“.

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA GRADAČAC**  
- Općinsko vijeće -

Broj:01-05-210/2010  
Datum:01.06.2010.g.  
G r a d a č a c

PREDSJEDAVAJUĆI  
OPĆINSKOG VIJEĆA  
dipl.el.ing. Adem Hanić, s.r.

Općinsko vijeće Gradačac usvajajući Odluku o dopuni Odluke o bezbjednosti saobraćaja na putevima općine Gradačac, a na osnovu člana 24. Statuta općine Gradačac („Službeni glasnik općine Gradačac“, br. 4/08), na sjednici od 01.06. 2010. godine, donijelo je

## ZAKLJUČKE

I

Predlaže se da se u periodu od 01. maja do 01. septembra u terminu od 20-24 sata umjesto ulicom Kadić Mahala saobraćaj preusmjeri ulicom Hasana Kikića, a u vrijeme Sajma da se uradi onako kako je najbolje moguće, kako date okolnosti budu dozvoljavale.

2. Da se ulica Hasana Kikića proglasi dvosmjernom i da se u navedenom terminu saobraćaj usmjeri tom ulicom prema kružnom toku.

3. Da se u navedenom terminu dio ulice H.K. Gradaševića, od kružnog toka, od Banke Raiffeisen, također proglasi dvosmjernom i da se može doći bezbjedno do parkinga Skenderija, i do onih kafića koji imaju tamo obezbijeđene parking prostore.

II

Ove Zaključke objaviti u „Službenom glasniku općine Gradačac“.

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA GRADAČAC**  
- Općinsko vijeće -

Broj:01-05-210/2010-1      PREDSJEDAVAJUĆI  
Datum:01.06.2010.g.      OPĆINSKOG VIJEĆA  
G r a d a č a c      dipl.el.ing. Adem Hanić, s.r.



2.

*III. druga rufe*

Na člana 24. stav 1. tačka 2. Statuta Općine Gradačac («Sl. glasnik općine Gradačac», br.4/08), Općinsko vijeće općine Gradačac na 25. sjednici održanoj dana 01.06. i 15.06.2011. godine, d o n o s i :

**O D L U K U**

**O izmjeni i dopuni Odluke o bezbjednosti saobraćaja na putevima općine Gradačac**

**Član 1.**

U Odluci o bezbjednosti saobraćaja na putevima općine Gradačac („Službeni glasnik općine Gradačac“, broj: 7/08 i 2/09) u članu 6. st. (2) iza zagrada dodaju se riječi: „u dane vikenda (petak, subota i nedjelja)“, osim stanara ulice i gostiju prenoćišta, a ostali dio teksta ostaje isti.

**Član 2.**

U članu 10. stav 1. alineja „f“ se briše.

**Član 3.**

Ova odluka stupa na snagu danom donošenja a objavit će se u «Službenom glasniku» općine Gradačac.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće -**

Broj:01-05-176/11  
Datum:15.06.2011.god.  
G r a d a č a c

**PREDSJEDAVAJUĆI  
OPĆINSKOG VIJEĆA  
Edis Dervišagić, s.r.**

3.

Na osnovu člana 5. Zakona o prometu nepokretnosti («Sl. list SR BiH» br 38/78, 4/89,

29/90, 22/91, i «Sl. list R BiH» br.21/92, 3/93, 13/94 i 18/94) i čl.24. Statuta općine Gradačac («Sl. glasnik općine Gradačac br.4/08), Općinsko vijeće općine Gradačac na 25. sjednici održanoj dana 01.06. i 15.06.2011. godine, donosi

**O D L U K U  
O PROMETU NEPOKRETNOSTI****Član 1.**

Općina Gradačac kupuje nekretnine označene kao:

- k.č.br.695/2 (k.č.br.204/2) Lučica njiva 2.klase površine 406 m2 k.o. Kerep upisana u el.zk.ul.br. 1 k.o. SP Kerep korisnika Jukan Izudina sin Mehmeda sa 1/1 za cijenu od 6 KM po 1 m2, što ukupno iznosi 2436,00 KM (dvijehiljadečetiristotinetridesetšestKM),

a shodno procjeni općinske Komisije za utvrđivanje prometne vrijednosti nepokretnosti i prava br.10-3/3-31-5028/10 od 26.04.2011.god. Općina kupuje predmetno zemljište kako bi isto dala u zamjenu za zemljište Hasanović Adema sin Džemala iz Kerepa, za njegovo zemljište identične vrijednosti, označeno kao:

-k.č.br.698/2 (k.č.br.206/2) Bara pristupni put površine 391 m2 k.o. Kerep upisana u el.zk.ul.br.136 k.o. SP Kerep.

**Član 2.**

Prava i obaveze u vezi prenosa prava vlasništva između Općine Gradačac i Jukan Izudina, biće regulisani posebnim ugovorom obrađenim od strane notara, koji će u ime općine zaključiti općinski načelnik.

Prava i obaveze u vezi zamjene zemljišta između općine Gradačac i Hasanović Adema, biće regulisani posebnim ugovorom obrađenim od strane notara, koji će u ime općine zaključiti općinski načelnik.

**Član 3.**

Ova odluka objaviti će se u Službenom glasniku općine Gradačac.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće -**

Broj:01-05-177/11  
Datum:15.06.2011.god.  
G r a d a č a c

**PREDSJEDAVAJUĆI  
OPĆINSKOG VIJEĆA  
Edis Dervišagić, s.r.**

#### IV - ŠKOLSKO PODRUČJE JU OŠ "Hamdija Krečevića" Kamberi, obuhvata:

- Mjesna zajednica Mionica II,
- Mjesna zajednica Mionica-Centar,
- Avramovina,
- Grabov Gaj,
- Liporašće turističko, i
- dlo Turica.

#### V - ŠKOLSKO PODRUČJE JU OŠ "Edhem Mulabdić" Donja Medida obuhvata:

- Mjesna zajednica Kerap,
- Mjesna zajednica Tokc,
- Mjesna zajednica Donja Medida,
- Mjesna zajednica Srednja Medida,
- Mjesna zajednica Gornja Medida, i
- Čuste

#### VI - ŠKOLSKO PODRUČJE JU OŠ "Musa Čazim Čalić" Zelinja Donja, obuhvata:

- Mjesna zajednica Jelovče Selo,
- Mjesna zajednica Zelinja Donja,
- Mjesna zajednica Zelinja Srednja, i
- Mjesna zajednica Jasjenica.

#### VII - ŠKOLSKO PODRUČJE JU OŠ "Mehmed-beg Kapetanović-Ljubušak" Donje Sruice, obuhvata:

- Mjesna zajednica Donje Sruice,
- Mjesna zajednica Gornje Sruice,
- Mjesna zajednica Biberovo Polje,
- Mjesna zajednica Vučkovi, i
- Mjesna zajednica Donji Hrgovi.

#### Član 3.

Ovaj prijedlog uputit će se Ministarstvu obrazovanja i nauke TK u cilju donošenja konačne odluke o utvrđivanju školskih područja osnovnih škola na području općine Gradačac.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće -

Broj: 01-05-153/19  
Datum: 25.04.2019. god.  
G r a d a c  
PREDSJEDAVAJUĆI  
OPĆINSKOG VIJEĆA  
Šakić Emir, prof. s.r.

6.

Na osnovu člana 24. Statuta Općine Gradačac („Službeni glasnik Općine Gradačac“ br. 4/08, 5/12, 1/17, 5/18 i 8/18), Općinsko vijeće Općine Gradačac, na 23. sjednici od 25.04.2019. godine, donosi

#### ODLUKU

o izmjenama Odluke o bezbjednosti saobraćaja na putevima općine Gradačac

#### Član 1.

U Odluci o bezbjednosti saobraćaja na putevima općine Gradačac („Sl. glasnik Općine Gradačac“, br. 7/08, 2/09, 5/10, 5/11), član 6. stav 2. mijenja se i glasi:

„Zabranjuje se saobraćaj za sva motorna vozila u ulici H. K. Gradačevića (od sata do malog kružnog toka kod MUP-a), u periodu od 01. maja do 31. avgusta, u terminu od 20-24 h.“

#### Član 2.

Ova odluka stupa na snagu danom objavljivanja u „Službenom glasniku općine Gradačac“.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće -

Broj: 01-05-154/19  
Datum: 25.04.2019. god.  
G r a d a c  
PREDSJEDAVAJUĆI  
OPĆINSKOG VIJEĆA  
Šakić Emir, prof. s.r.

7.

finansiranje administrativnih i materijalnih troškova projekta, tj. za fotokopiranje, poštarinu, troškove banaka, nabavke kancelarijskog materijala (papir, olovke i sl.).

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06), člana 3. Zakona o budžetima u FBiH („Službene novine Federacije BiH“, br. 102/13, 9/14, 13/14, 8/15, 9/15 i 102/15), člana 4. Zakona o finansijskom upravljanju i kontroli u javnom sektoru u FBiH („Službene novine Federacije BiH“, br. 38/16) i člana 24. Statuta Općine Gradačac („Sl. glasnik Općine Gradačac“, br. 4/08, 5/12, 1/17, 5/18 i 8/18), Općinsko vijeće Općine Gradačac, na 23. sjednici, održanoj dana 25.04.2019. godine, donosi

#### ODLUKU

o izmjenama i dopunama

Odluke o kriterijima, načinu i postupku raspodjele sredstava iz budžeta Općine Gradačac za finansiranje/sufinansiranje/kapitalnih programa/projekata mjesnih zajednica na području općine Gradačac („Službeni glasnik Općine Gradačac“, br. 3/18)

#### Član 1.

U Odluci o kriterijima, načinu i postupku raspodjele sredstava iz budžeta Općine Gradačac za finansiranje/sufinansiranje / kapitalnih programa / projekata mjesnih zajednica na području općine Gradačac u članu 2. stav (1) tačka e) dodaje se nova alineja, koja glasi:

- sanacija i održavanje vjerskih objekata na području mjesne zajednice.

#### Član 2.

Član 10. stav (3) rečenica: „Maksimalan iznos odobrenih sredstava, u slučaju da se projekat u 100% iznosu finansira iz budžeta Općine Gradačac iznosi 7.000,00 KM po korisniku“, mijenja se i glasi:

„Maksimalan iznos odobrenih sredstava, u slučaju da se projekat u 100% iznosu finansira iz budžeta Općine Gradačac iznosi 10.000,00 KM po korisniku“.

#### Član 3.

Član 16. stav (2): „Najviše 20% odobrenih sredstava mogu se koristiti za finansiranje administrativnih i materijalnih troškova projekta, tj. za fotokopiranje, poštarinu, troškove banaka, nabavke kancelarijskog materijala (papir, olovke i sl.)“, mijenja se i glasi: „Najviše 5% odobrenih sredstava mogu se koristiti za

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće -

Broj: 01-05-155/19  
Datum: 25.04.2019. god.  
G r a d a c  
PREDSJEDAVAJUĆI  
OPĆINSKOG VIJEĆA  
Šakić Emir, prof. s.r.

8.

Na osnovu člana 24. Statuta Općine Gradačac („Službeni glasnik Općine Gradačac“ br. 4/08, 5/12, 1/17, 5/18 i 8/18), Općinsko vijeće Općine Gradačac, na 23. sjednici od 25.04.2019. godine, donosi

ODLUKU  
o izmjenama i dopunama Odluke o javnim parkiralištima

#### Član 1.

U Odluci o javnim parkiralištima („Službeni glasnik Općine Gradačac“ br. 4/13, 6/14 i 1/19) u članu 31. iz stava 1. dodaje se stav 2. koji glasi:

„Na zahtjev ovlaštenog lica odnosno komunalnog inspektora vlasnik, odnosno nosilac prava raspolaganja motornim vozilom, za potrebe provođenja prekršajnog postupka, dužan je dati podatke o identitetu vozača, odnosno lica koje je upravljalo motornim vozilom u vrijeme počinjenja prekršaja propisanih ovom odlukom, a u suprotnom će kaznu platiti vlasnik vozila.“

#### Član 2.

U članu 33a. u stavu 1. riječi: „Novčanom kaznom u iznosu od 200 KM do 500 KM“ zamjenjuju se riječima: „Novčanom kaznom u iznosu od 500 KM do 1.500 KM“.